



**Peqatigiiffiit kattuffiillu suugaluartulluunniit, nammineq kajumissutsimik ingerlanneqartuni
aninggaasanik katersuiniarneranni nipilersortartunik Namminersorlutik Oqartussaniit
tapiiffigineqarlutik tikisitsisinnaanerat pillugu Naalakkersuisut piareersaateqaqqullugit
peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Doris Jakobsen Jensen, Siumut)

Siullermeerneqarneranut oqaaseqaat:

Siunnersuutigineqartoq pillugu Naleqqamiit ima oqaaseqarfingissavarput.

Nipilersortarneq pillugu aaqqissueriaatsit assigiinngitsuupput, ukiulli atortitaani
pinngitsoorneqarsinnaanatik nipilersortartut.

Ullorsiornerni ulluni nalliuottorsiorfiusuni kommunillu aaqqissuussaanni suniluunniit aamma
pisariaqartinneqartarlutik tassa pinngitsoorneqarsinnaanngillat nipilersortartut.

Nipilersornikkut Festival-eqartitsinissaq siunnerfigineqaraangami suliassaq angisoorujuusarpoq,
ullorlu appisimaarfissaq piareersarneqaleraangami inuppassuit ikiortigalugit suliaq
ingerlanneqartarluni.

Nipilersoqatigiinnik tikisitsimagaanni isumagisassaasarput ineqarnissaat aammalu
ullormusiaqarnissaat nerisaqarnissaallu

Ulloq nipilersortartunit appisimaarfiusumi inuppassuit aamma sulisorineqartarput, matulerisut,
nipigissaasut, sillimaniarnikkullu nakkutilliititaasut, aaqqissuisullu tuniniagaqarsimatillugit
tuniniaasut.

Nipilersoqattaarnerillu naammassigaangata torersaassineq nipilersuutinillu piaasinnarluni utimut
assartuinerit, taamatulli aamma suliassaatigisarlutik soorlu qullersuit.



Ilami sorpassuit taagorneqarsinnaagaluarput inuppassuit atorlugit piareersaasarnermut tunngassuteqartut.

Nammineq sumiiffimmit aggerfinni periuseq pitsaasumik inissimasuuvoq tassani kommunip iluani atugassarititaasuni Peqqik Sunngiffiup atorfilittaasa eqeersimaartumik inissisimanerisigut nipilertartut atorluarneqartuullutik. Taamaakkaluartorli aamma ilisimavara aningaasatigut taakkununnga atugassarititaasut killeqartarneri, inatsisitigummi sinaakkusigaammata.

Siunnersuutip imaa qiviaraanni nipilertartunik tikisitsisarnermi aningaasartuutitigut taperneqartarnissaq siunnerfiuvoq.

Naleqqamiit nuannaarutigisaqaagut inuiaat kalaallit aammalu nunatta iluani innuttaasut kikkuugaluartulluunniit periarfissaannik tapersorsorneqaraangata.

Nipilertartunik tikisitsisarnissaq pillugu aningaasanik tapiisarnissaq ilusilersorneqalerpat pisamut ingerlatassamut tunngaviusumut aningaasartuutigineqartussat arlaqartut qiviarneqarsinnaapput.

Nipilertartunik appisimaartitsinissaq siunnerfigalugu aaqqissuinerit pileraangata amerlanertigut aningaasartuutit siulliullutik aallartittarput.

Ukua aningaasartuuteqarfiulertarlutik:

- Tikisitassat nunaqarfineersuugaluarpataluunniit illoqarfinni allameersuugaluarpataluunniit angallanneqarnerinut aningaasartuutit.
- Inissaannut aningaasartuutit
- Nerisaqarnissaannut aningaasartuutit
- Nipilertosiarfimmut tikippata biilnik assartorneri (Biilnik attartugaqarsimangikkaanni)
- Ullormusiaat.
- Nipilertosfissami piareersarnermi nerisassaqarnissaat imeruersateqarnissaallu.



Nipilersornerit ingerlaneri aningaasartuutit aamma ikigisassaaneq ajorput, pisortaqarfiit kommunillu nammineq pigeriinngisaanni atortut eqqarsaatigalugit soorlu hal-imu appisimaartoqassatillugu, tassani assersuutigisinnaavara uanga aggerfiga.

Nipilersuutit attartorneri, qullersuit attartorneri, matulerisut, inersuarmi nakkutilliisut, nipilerisut ikiortaalu, atortunillu assartuinermi biilnik attartorneq, hal attartornera. Tassa nipilersortartunik tikisitsineq akisusaraluartoq aamma malittai aningaasartuutissat annertusarput.

Air Greenland akigitai atuuttut tigulaariffagalugit takusinnaavarput nipilersoqatigiit band tallimanik inuttalik Nuummiit Qaanaamut tusarnaartitsiartussagaluarunik uterlugulu inuit tallimat ineqarnerat nerisaqarnerallu ilanngunnagit 120.105 koruunimik akeqassagaluartoq 23 okt.
Aallarunik uterlutik 30 oktober.

Piorsarsimassutikkut pisuujuussutitta ilagivaat nipilersortartut erinarsortartullu, takorloorneqarsinnaanngilaq nunarput nipilersortartoqanngitsoq.

Kalaaliusugut nunatsinni illoqarfiit avinngarusimanerusuniittut soorlu Ittoqqortoormiit, Tasiilaq, Nanortalik, Qaanaaq, Upernivik, Uummannaq Qaqortoq, immaqa aamma Narsaq taakkua nipilersornikkut pikialatitsivigineqartarnerini aaqqissuussani angisuutut taaneqarsinnaasuni ornigarneqarluartarpat sinerissamiit nunatta iluaneersunit nipilersortartunit? Uani pivara nipilersoqatigiit amerlasuut ataatsikkut tikerartinneqartarnerat tusarnaartitsinerit angisuut.

Naleqqamiit nuannaarutigisarpagut inuiaqatigut piorsarsimassutsikkut aaqqissuisartut sulianik angisuunik.

Tigussaasumik nersualaarinnilluta taasinnaavarput pisartut utimut qiviaraanni Aasianni Akisuanerit festival suliaq annikigisassaanneqisoq aammalu aningaasarpassuarnik atuiffiusarinaqisoq tusarnaariat isertitaannik aningaasanik nakkutilliuarnermikkut atuilluarnermikkullu ingerlalluartut tapersersugassaraagut, kiisalu illoqarfinni allani aamma aaqqissuussisarnissakkut pilersitserusuttut tapersersugassaralutigit.



Nammineq aggerfinni inuit eqeersimaartut aaqqissuussisartuupput isertugaanngimmatalu taasinnaavakka NS-Naasoq kiisalu Kallerit Ikinngutai taakuunerullutik Upernivik nunaqarfii lu ilanngullugit nipilernikkut pikialatitsisartut innuttaasunut nipilernikkut tunisisuusut piorsarsimassutsimik nipilernornerup silarsuaani.

Naleqqamiit siunnersuutip siunertaa taperserparput, taallat tunisisuupput erinarsorneq inuiaqatigiinnut ataatsimoortitsisarpoq.

Kisianni suli eqqartugassaqaqaagut qanoq isikkoqartumik aningaasanik tapeeriaaseqarnissaq ilusilersorneqartariaqarmat.

Taamaattumik periarfissat suli allat nutaat ilassutissalluunniit eqqartorneqaqqullugit, siunertaa taperserlugu, siunnersuut ataatsimiititaliamut susassaqartumut ingerlateqqipparput.